

虛受堂詩存

虛受堂詩存卷十

長沙 王先謙 益吾

題王炳燮三印竹舍圖

三印文文山方正學黃石齋三先生以下丙子

文公素豪俊困厄存兵略誓奪劍璽歸五坡墜微繳博
士實書生文章照臺閣亨衢慘沈陸厲響秋天鶚石室
有大儒獨立甘蕭索才共甯海老運與崖山弱蒼天生
此賢扶植意非惡胡令投禍亂不得榮著作妄庸笑終
秩反復理難度千載壯士顏倚劍問冥漠流風被宇宙
遺物紛浩博勿謂三印微忠良名所託我愛東吳精嗜
古存攻錯他年訪竹舍虹氣生金縢

哭榮兒

翩翩玉色燕依依。集我堂。盛夏非歸期。長逝落何鄉。乾
坤有反覆。起滅難推詳。女來竟何因。去又安所望。謂是
決舍我。五日餓不僵。若云戀我恩。胡不充女腸。衰親低
白髮。扶杖哭倚牀。紅裾歛女身。女身一何長。寒風送悲
雨。颯沓成秋光。出門復入門。憂思日徬徨。後者不可卜。
滿目惟淒涼。揮淚視蒼天。我生亦茫茫。

奉

命典試浙江出都卽目

郊垌跡如埽。避暑遂幽屏。

朝命歛在身。塵鞅始一

騁。騶從各意氣。衣冠自攝整。村厖識舊官。野色入新景。

驛前征馬嘶。林外秋蟬靜。紛紛逐塵塏。此意無人領。

曉發涿州途中作

晨光在西山。征騎不可繫。已就新城飯。仍從雄縣入。天長鳥歸遠。日下蟲鳴急。回首暮原空。依依望雲立。

獻縣道中

驅馬漢王都。亭午坐賓館。晴光久蕪鬱。秋意尙舒緩。雲罨柳色深。風香菜花暖。適因孤賞憩。未覺吟情短。

河間作

去歲使臣乘傳日。滹沱永定俱橫溢。今年永定旱不湍。復見滹沱故涂失。河閒黍麥半不收。河閒大道在中流。

行子朝朝隔河水。饑甿戶戶走通州。通州放振恐難繼。
中道死亡誰爾濟。今年縱得全活歸。可奈明年河水至。
往者西人乘我虛。海門不合近。皇居相公今有籌。
邊策臺諫宜陳水利書。

德州作

使臣去歲過山東北出。羊流無十里五更月黑山徑微。
風嘯紅巾攬行李。虎兇出柙誰之過。遣告縣令不爲理。
移書巡撫請捕諸勘者。歸稱安有是巡撫無言令安樂。
使臣行遠賊歡喜。今年初入德州境。州將戒我慎棲止。
龍衣貢使又被劫。時事人心可知矣。我告州將是。

固然母盜宜爲盜所恃。可惜青齊錦繡區。窟穴豺狼長
荆杞。君不見道光閒。粵吏縱賊無敢言。養成巨寇禍滔
天。行人來往勿誨盜。巡撫撫東今十年。

揚州送菊生歸娶

挹袂入京都。共舟下清淮。自嗟骨肉少。視子如同懷。子
從京口上。我向丹徒發。千里見素心。兩地看明月。偕行
良自適。獨往慎勿疏。風利入長沙。已是桂花初。結髮得
賢妻。比肩事老母。平生孝友心。莫落閨房後。

贈潘

斯濂

廉舫前輩

吾愛潘夫子。端居若無營。養生服食少。耽道神骨清。揚

廷屢被 命搜巖妙持衡齊魯盛絃歌岷峨起

羣英品高氣何善視飲德已盈乃知君子心不遠時世
情浙人聞君來企踵望前旌賤子得強伴磨礪覲光瑩

寄蓬海武昌

辱問豚兒長何知一病亡夢聞泉下語塵暗寢時牀痛
哭逢秋色思家看夕陽離羣阻江漢緘淚不能忘

寄商農新化 時會試報罷回
新化訓導任

拂袖歸三楚藏身仗一官皇天有恩澤吾道自艱難戴
席成新化程門接舊歡 廷芳字師時
知寶慶府 閉關還箸作不愧

是儒餐

瓜州寄蓮叔

湖。水。下。瓜。州。滄。江。一。氣。流。肯。邀。湘。上。月。同。醉。廣。陵。舟。憶
別。關。河。久。頻。驚。天。地。秋。桂。花。香。正。滿。會。作。折。枝。遊。

湖上晚酌遣懷

手。羹。純。菜。膾。銀。鱸。曾。向。滄。波。滿。眼。酤。萬。里。浮。蹤。依。北。斗。
十。年。洗。眼。對。西。湖。亭。臺。著。處。添。新。景。煙。水。於。今。有。釣。徒。
謂雪琴把。酒。自。嗟。人。事。迂。故。回。歸。棹。入。菰。蒲。
侍郎

雪琴侍郎於湖上退省菴招飲賦詩爲別次韻奉
答

名。將。如。公。世。所。賢。芒。鞋。隨。處。有。因。緣。茶。烹。湖。水。詩。逾。好。

梅入孤山畫。鬪妍月印潭。前秋把盞風生江上夜。鳴弦黃州濡塢俱陳迹。難得茲晨醉別筵。

夢逐江湖往事空。此生的作信天翁。分無名業追先達。欲挽文章復正風。朗鑒慚誇冰魄皎。

君詩有監收珊瑚網東西瀾清徹冰輪

上下絃之句

高談且放酒顏紅。純羹後約知何似。各把新詩

記雪鴻

馬貞女詩

爲雪琴侍郎作

楚山叢叢雄者衡。湘環其下淵且清。扶輿磅礴發秀英。匪男獨奇女則貞。宛宛弱質蘭蕙青。幽閨鳴珮許嫁纓。嘉妃慘折誰使令。天發異馥流千齡。黃鵠奮頸中夜鳴。

慄烈寸抱霜月明溝瀆何算鴻毛輕茹痛待嗣節乃成
麻衣入門悲風迎再拜木主號其靈九疑連天愁雲橫
斑竹蕭颯江雨冥總帳飄轉無畱停陰氣恍惚通精誠
尊章掩泣戚郇傾萬口嘉歎同一聲女家何所清泉城
厥氏曰馬字馮卿煥孝智泉其父義訓稱母賀夫人送之
行有郡太守武君廷珍敬女名論列上請得朝旌立命
廣文四先生梁覃劉楊四君廣索詠事傳芳馨大賢同里我老
彭執簡乞書垂典型子爲史官歌載賡南董直筆生光
榮事在光緒元始更後有考者此其徵

早發

五鼓雞鳴月如洗。三杯輒飽茅檐底。衝寒入轎夢未闌。
仰臥捲簾慵不起。風霜肅肅清到骨。車騎閶闔繁入耳。
驚回醉眼看遙空。誤認長天作秋水。

沂州道中口號

直因王事慣辭家。野店風光著處賒。騶子館人俱舊識。
兩年三度過琅琊。

歸鵲啞啞出林閒。似有心情驚我頑。睡久不知程遠近。
開簾失喜見蒙山。

長清道中口號

天開野色冥濛裏。人走巖腰屈折中。去馬慣貪交道水。

小車兼使一帆風

飛塵荒荒送白日茂樹短短臨黃河北去唯憂海風勁
東來終讓岳雲多

泰安道中

上山復下山頑石自太古愧此肩興安念彼車行苦山
田少潤澤居民亦勤雨滉漾嶽頂雲風吹無處所近聞
青州道旱甚斷禾黍老羸轉中路十室九閉戶振恤祇
空談盜賊滿林藪誰爲司牧者肉食自安處

憶我家居日相親有墳簾愛聞說山水聘意在幽奇知
我困塵鞅顛倒無娛嬉願言乘清風日觀相攀迫五年

虛受堂詩存

卷十

六

委物化夢寐猶見之茲山復在眼想望涕交頤手無三尺劍恨不磔庸醫觸痛生百慮終身有酸嘶

夏日招越南貢使裴

文興

飲裴卽席見贈次韻奉

答

以下
丁丑

清風未買北窗眠且放新詩鬪綺筵費使今爲日邊客
海邦眞見地行仙弓衣莫遣描春雪藜杖惟應對夜煙
詩開
錄館余充總校好用文章資治理
實
聖仁鴻覆極南天

同人重集天甯寺張

端卿

芝浦編修有詩次韻奉

答

駿馬猶飄廣陌埃。蠹魚空穴亂書堆。輸爲華頂羣仙會。
已作元都兩度來。野策山蔬稱羈旅。詩龍酒虎劇歡陪。
莫愁白髮三千丈。更就黃花一百回。

秋入燕臺夜漸長。西風吹雨作新涼。日光破曉侵危塔。
花氣迎人度曲廊。已見松門誇解帶。可無繭紙記流觴。
憑君自定菱歌價。不用沈吟越女妝。

寶佩蘅師相有詩贈

實錄館同事諸君敬

次韻

師充總裁

十三年奉

內批頒

天憲親銜北斗閒

廟略待垂金鏡錄。篇家更領玉堂班。沈吟鴻筆思

何極雪涕

龍髯挽不還敬繹

前謨施

國政金甌永永奠河山

史院宏開

帝寵頒近臣簪筆五雲間應圖未是齊

鑣選校錄叨陪煥璧班祕閣劉模持籥侍早朝杜甫和
詩還小材出手慙蕪陋 金簡從探苑委山

壽徐蔭軒師

以下
戊寅

良筆青年有盛名崇班黃髮繼家聲高天雨露承殊渥

聖世鵷鸞屬老成臺右威棱新宋璟殿中德望舊

桓榮卽看耳順成吟後華首親調玉鼎羹

坎家離室在元襟學道何干世味侵靈藥已從丹竈得

壽杯真較菊潭深。歐公喜見光浮頰。坡老多年坐息心。
欲向蓬萊問真訣。寸莛可許發洪音。

佩蘅師相宴龍樹寺有詩敬和

吾師忠勤急揀時。清興偶發難爲期。城隅古刹咫尺地。
誰信卅載初臨卮。皇天憫農願終惠。起視九野含榮滋。
深憂補袞幸少釋。退食委蛇方在茲。廣院清陰坐亭午。
虛堂簾捲鑪香吐。槐龍相對如舊識。風動蒼髯爲公舞。
樽罍伯仲靜無譁。冠蓋嚴終欣有侶。高談大食獲奇捷。
激想丁零逐驕虜。僧樓聳處更登臨。展拓萬象蘇煩襟。
西山荒荒白日下。南郭鬱鬱蒼煙深。百年歡會能有幾。

半日間遊應重尋已從尼父舞雩樂一和歐公湖上吟
九月省吾四十生日招同人飲而不及余已而以
詩見示嗟卑歎老情見乎辭次韻一篇以廣其意
且請後約

壽不在長生貴不在顯仕君看不朽業幾輩出朱紫茫
茫一邱貉今古祇如此惟有長明鐙歷劫如彈指永懷
沒世懼豈爲惡衣恥千里胡畏人自強差足恃英英武
陵秀濯濯湘水渌已用策呈身不放石礪齒胡然空谷
女發歎修竹倚斜景迫飛騰驚心數甲子卑官屈方朔
苦調奪無已青冥奚所懷菸邑徒爲耳人生匪虛寄何

事。嗟。逝。水。紛。紛。熱。客。來。逐。逐。外。物。喜。多。君。任。天。句。妙。得。
不。辱。旨。所。祝。勉。進。德。永。言。多。受。祉。昨。聞。張。壽。筵。坐。客。舞。
盡。起。招。邀。惜。不。與。興。發。安。可。止。秋。風。吹。菊。酒。漱。澹。金。尊。
裏。破。慳。或。可。期。能。醉。吾。自。揆。投。詩。許。換。蟹。躋。堂。更。稱。兕。
不。飲。柰。明。何。君。歌。且。休。矣。

送宋梓儕之官江西

宋名廷機庚午雲南副榜候補知府

憶在歲庚午滇闈放榜時石屏有許生

印芳

垂示一卷詩

風霆鬱懷抱製作何雄奇老彭

啟商

出會澤謁我京塵緇

探囊得秀句欣賞亦忘疲未若小宋賢千篇奏金絲夫
南富杞梓聯翩翩廟堂姿兵氣屯十春詩書澤不衰身行

盜賊際筆寓危苦詞信知甫白才天遣經亂離長安困
獨學得君勤切劘胡然改官去言邁章江湄京曹半閒
允畜大不究施雲雷有經綸壯年稱崇資騷人悱惻性
儒術慈惠師平世蘇枯瘠隱憂杖扶持余心百不省世
事浮雲馳獨有文字契纏綿入肝脾許生不再見老彭
棄如遺甯知萬里遙感念浩無涯臘酒餞遠客霜飈吹
行衣惟有一書札慰我長相思

唐六如畫虎爲葉更端

大起

題

以下
己卯

葉君平生好奇偉夜夢猛虎升中堂生兒墮地詫英物
頭角隱起嘖非常是年太陰攝提格於菟直命嘉名彰

食牛非復小兒氣。維罷信是男子祥。從翁出走不離側。
道上爭看烏衣郎。楊童與元終不秀。卜子投杖空含傷。
欲爲虎圖寄悲感。沈吟把筆追毫芒。南京解元差解事。
代爾拂拭畱縑緗。坐揩醉眼血相視。以手摩弄鬚毛張。
潛通精氣引哀嘯。屋壁慘淡風浪浪。吁嗟乎人生須自
放。底用纏綿裂肝臟。要知種果本非因。何況援真還入
妄。作詩慰君且一笑。翔虎天門吾有望。莫將舐犢學楊
彪。重見非熊投顧況。

題更端雪裏桃花圖卽送之官廣東

時部選
張甯縣

春風送暖歸桃花。美人倚醉餐紅霞。忽然一夜著縞袂。

洗妝拭面辭鉛華。景光變幻那可料。黃回綠轉生嗟呀。
嶺梅返魂庭竹笑。乳燕結舌寒鴉譁。先生失喜開曉牖。
挾樽急走江亭車。憑高不盡孤賞興。作畫畱待他年誇。
去歲深冬氣不冽。殘宵未覺衾如鐵。春來固知寒較甚。
天機息耗吾能說。陽和三月澤未下。都人望雨還得雪。
露花不損麥頗宜。九重報謝三農悅。明時勉作清
白吏。去泛洪濤休惜別。丈夫得志會有期。君不見皎潔
成妍豔。陽節。

哭冬女

送女形聲往。增余齒髮侵。不言惟有淚。欲慟覺無心。慧

相偏憐甚離悲宿孽深病輕多誤藥情急枉分淺盡室
黯相對高堂哀豈任嬌嗔似猶見遺物怕重尋賸欲求
王粲從教覓鄧林回腸渾不斷百歲亦霑襟

題楊馨山行樂圖

以下庚辰

石几筠牀不受塵白頭蕭散見精神風來松子當前落
怪底韋侯下筆親

扶醉他年韻事多況看雛鳳樂婆娑人言楊震傳清德
我爲徐卿作好歌

馨山長子已得子今歲馨山舉幼子亦圖中景也

題王爵棠詩集

王名之春江蘇道員出使日本

詩律吾宗好清言盡解顏浪遊多古意戎事得餘閒不

放喬柯長空嗟遠略。爛瓜州猶按劍碣。石憶當關。
去歲覘東國新篇絕域傳。千童分派遠三島。聚形圓斫。
取扶桑樹。唐人送日本僧詩。卿樹扶桑外。增修橫海船。高歌仍望子濟。
世急騰鸞。

送陶心雲

潛宣

落第南歸卽題其詩集

佳士問兩浙清名讓五陶

君兄弟五人皆有文名

子才誠未易詩

格一何高。注籍遲瀛島。攜裝犯海濤。蘭亭殊不遠。接膝
夢魂勞。

李佑丞會試被黜以知縣分發江西追昔撫今成
七律二章以贈其行

當年竹馬共兒嬉。相對俄驚兩鬢絲。作宰信非平昔願。
致身好及未衰時。明廷獻賦終何補。劇縣親民大可爲。
餘事文章供灑落。匡廬遲子要清詩。

奇音鸞鳳色。璠璵抑塞還期志。一攄雜種操舟羣島國。
殷憂前席。九重居匡時。勤練籌邊策。卻病兼參養。
性書欲識故人傷。別意皇天雲雨送行車。

壽桑柏儕

春榮

尙書師

天寵優崇便乞身。婆娑黃髮倍精神。大年上古八千歲。
厚德中朝第一人。珠樹寶田承美蔭。碧幢丹筆藹餘春。
百齡吉語從公祝。眼見呼韓作漢臣。

題陶心雲跳山訪碑圖

浙江山陰跳山舊有碑鐫
大吉二字俗傳錢武肅徵

時被難於此跳免貴後勒碑因名跳山明萬曆中
修縣志採焉道光閒邑人杜君剔薛出碑得其下
方云昆弟六人共買山地建初元年往此求地直
三萬錢始知爲漢代買山碑也陶君訪碑茲山爰

繪是

圖

碧落高鐫起妄談千年搜剔出雲嵐訪碑錄並登三老

三老忌日碑亦近破前文同勒大男孤嶂不教題杜句

日浙中出土漢碣津橋真擬躍吳驂中郎閣誦陽冰臥輸子奇觀得縱探

孫淵如續古文苑載太康時刻石文云大男楊紹從土

公買冢地一丘東極闕澤西極黃滕南極山背北極於
湖直錢四百萬卽日交畢日月爲證四時爲任太康
五年九月二十九日對共破前民有私約如律令

次韻自菴丈題東坡臨文與可畫竹卷

東坡詩斯
人定何人

游戲得自在詩鳴草聖餘兼入竹三昧時時出木
石荒怪軼象外舉世知珍之賞會獨余最知音古
難合奄忽不少待誰云死生隔相見如龔隗跋云
故人文與可爲道師王執中作墨竹且謂執中勿
使他人書字待蘇子瞻來令作詩其側與可既歿
八年而軾始還朝見之乃賦是詩今羅浮鄧道士
乞余臨與可畫一卷並求寫此詩於上援筆應之
似與與可用筆頗合安得起故人使見之也元符
元年七月二十日東坡居士蘇軾記案詩今存集
中跋乃賦詩時作乃賦是詩今羅浮以下云云則
坡在惠州爲鄧道士作此補跋道士名守
安今集中有贈鄧道士詩以下辛巳

彭山青千年墨君無恙在凝神追逝筆風義耿不昧當
時遷謫地澀勒暗嶺外高懷落淇園摹此心賞最幽姿
煙雨泣寂寞如有待展卷接芬芳驚逢晉雙隗
吾師拙生事飢飽兩自在攬古坐幽軒不閒暘與昧云

虛受堂詩存

卷十

三

將持霜竿浩蕩江湖外。坡題與人畫竹詩何時塵羈縻。
未脫寄意斯樂最願我作新詩左券償可待終當從公
隱西巖踏嶧隗。

孫編修

宗毅

君貽以詩見贈推獎逾分愧不敢當

奉荅一首

異時長憶蒼簔谷尊翁圖繪徵歌詩湘雲楚竹無盡碧
挂冠便擬誅茅茨平生航精在元默獨用詞翰爲娛嬉
著書未竟就黃壤同鄉聞名猶涕洟韋叟一經眞可恃
蘇家二子能相師潘吳龐廖奚足羨。廣東潘山東吳江蘇龐廖皆近今兄
弟同官翰林者君與哲兄同科尤爲時論稱美得第直已攀郊祁阿兄俊爽鵠

聳立而子雅好深湛思眾中歛退有愚色猛氣欲斫千
熊羆蟠桃殷紅薦玉盃卻視苦李甘如飴明珠持贈粲
盈把對之流汗紛交頤我昔蓬心苦無著十年坐歎販
依遲波平搏激誓不起材朽雕續將安施浮名恐是學
道累況乃匪虎羊蒙皮俗儒外慕不自省豪爭巧市甯
非癡吾儕欣賞出平淡共守寂寞無差池期子舊德永
弗失慎保千歲寒松姿

更端廣購怡府角箋因爲長句戲之兼柬純客

長甯短令頗奇詭自詫宦情如逝水不向炎州卷地皮
苦從燕市搜箋紙賢王清宴偶自娛顧語良工索形似

微紋凹凸隱可辨。百態飛騰捫欲起。君今海南判吏牘。
縱得萬番焉用彼。不如乞與李謫仙。徧寫新詩散霞綺。
菀客曾以角箋寫詩見惠至今寶之惠州曾聞坡老說。去去勿孤風物美。
我今博物已成書。待子擣苔摹側理。

更端得和靖先生畫像。硯李天生舊藏物也。潘次耕題其篋上。像在硯背。硯之左方有云。殿直丁君自沂適閩。檣舟惠晤。語未幾。卽出硯相贈。且以拙詩爲索。勉書數章。少塞好事之意。然受此有愧。謹識硯端。以記弗諼。爾咸平五年歲在壬寅夏五月。林逋記六十四字。徐壽蘅丈摹像寄孤山祠中。屬

余作詩

策坡昔評西臺書佳如饅頭但恨俗逋仙超舉江湖幽
書似李君差少肉故知高人得靜理揮毫落紙成冰玉
硯端六十四驪珠炯若秋光照流目求詩不異涵星贈
謝惠聊爲柏石續輕雲薄薄已難摹缺月娟娟猶可掬
先生畫像畱硯背題自李潘非妄錄香王山人

徐文
別號驚

見之起立頻煩整冠服去歲西湖拜遺像骨冷神清敵
松竹葛巾可配彭澤陶團扇欲倣吳中陸焉知燕市復
有此夢魂不隔儀刑熟可無韻事播杭州細拓眞形供
雲麓吁嗟至寶各有主此硯本是先生舊作書繪像與

結緣已託形骸。寄心腹。蘭亭分向昭陵殉。石丈如聞米顛祝。縱令珍弄。落人閒。驪珠埋淵。劍閉獄。我語老更思此理。達觀一笑。無不足。放渠往伴萬梅花。夜夜神光照湖滌。

題朱

文炳

詞集送其之樂亭軍營

閉門自笑。心情嬾倒屣。深慚過從勞。已見清才接周柳。喜聞端士識諸陶。可所西風入塞。秋橫笛。北斗臨關。夜帶刀。手把瓊瑤。自矜重。莫令飛檄損吟毫。

慎堂以余初度寄詩爲壽奉荅

閣上飲仙秋挹袂。灘頭冷水夜同艤。別來回首年四十。

書寄知心人一雙薄宦已成飄梗弱壯懷全作大風降
輸君網得西施去盡日開樽閣倦江

聞楊永州沒以詩悼之

風流長照水山閒漫叟愚翁愧在前
篋裏憚王爭璀璨閣中蠻素鬪嬋娟
割牛要啖八百里化鶴徑去三千年
我是孟公投轄客楚雲遙望一潸然

辛巳之秋吾母臥病彌月始愈適蕤客以詩見贈
有秋高萱樹自長年之句感良朋愛我之厚追觸
舊事一夕涕不可止余早喪兩兄自官京師賴弱
弟在南侍母辛未病沒余不得已迎母北來連年

喪亡之戚自餘家人外兒女及姪女輩迺至八人
蓋望子育孫之切天下殆未有如吾母之甚哭子
慟孫之慘天下亦未有如吾母之甚者也深維邁
疾之由皆因不肖涼德弗克負荷有以致之含悲

吮墨輒次元韻以寫余懷

雁飛取次墮驚弦鵲喜虛勞盼綵錢苦憶艱難支厄運
不堪明發誦詩篇衰顏轉徙四千里薄宦羈遲十一年
勤祝萱花看蘭茁感君風義永周旋

題李純客詩文集次其十剎海看荷花韻

何年謫飛仙淩風不能去矯厲抗鸞鶴清虛食風露詞

源挽銀漢落筆紛欲雨冥心闢天閭濁世安肯住侵晨
把君集掩卷月挂樹斯文多迷津仗此寶筏渡宜入承
明廬黼黻壯皇路郎官見白髮奇骨天所妒行將
揄文竿理楫傍沙鷺霞川有老屋知子夢遊處高山動
牙絃珍重千載遇

夜訪治秋編修千佛菴論詩奉贈

吾憐清河傑逸步騁天驥卻遣妻子歸冥心就蕭寺士
安爲書淫夾漈謝人事伊古賢達胸獨往豈異致幽情
含風騷妙解略文字僧梵荅微諷佛鐙照無睡清詞如
貫珠洗鍊出古意筆擲精鏐躍心豁元關祕辛勤嗟若

此高遠隨所至何期江海心下酌斗筲器深宵興逾激
輒語歡未墜聊欲洗吟眸月浸西山翠

光緒辛巳吾母鮑太夫人京居孫枝失秀環顧寡
懽一日謂余戚楊君外閒有圖畫小兒者可將來
楊以此畫進蓋近人所繪昭君圖也衣紅科斯手
琵琶一婢侍焉抹額旁立而牽裾者所生兒也母
命先謙爲詩紀之案漢書匈奴傳昭君歸單于號
寧胡閼氏生一男伊屠智牙師爲右日逐王蓋卽
此子吾母意固不在是也敬爲書事一首

朔漠豈識荆門村尙疑丹青昔已誤圖畫今何爲空

留春風面永繫浮世思。遂令出塞曲人人怨。別離北堂
春晝閒。母顏慘。不怕取張雪色壁對之。忽移時。旁觀竊
怪詫。借此冰玉肌。甯知萱草心。未愛柳葉眉。回頭顧小
子。許大雪白兒。恨不將入懷。哺之以芳飴。余心不遑安
欲語久。淒其如聞琵琶聲。切切摧肝脾。長跪告阿母。三
年以爲期。牙牙羣學語。索抱環牽衣。蟠桃百歲觴。玉立
森房帷。母言吾戲耳。不用長嗟咨。我如桃源人。漢事非
所知。但祝隱願遂。扶杖觀兒嬉。要須將我意。寫入南陔
詩。斯圖得依託。永作家珍貽。再拜壽卮酒。援筆獻此詞。

自喜峯口上

陵夜宿幕中作

是夜雪

四山漸合悲風來。巨石驚走蒼松摧。愁雲霾天撥不開。
千騎萬乘馳奔雷。路人含悽居人泣。龍髯下垂那可繫。
一從簾聽十八春。蛟鱷無驚鴻雁集。雲行天遠龍
回首。顧念沖人屬耆耆。九重他日檢妝
匱。知有悲嘯動左右。一夜峯頭雪倒吹。小臣雙鬢暗添
絲。更從蘇軾求椽筆。敬與宣仁作挽詞。

自菴丈以董香光畫卷見贈賦此志謝

大江驅蜀下海門。東陵中扼禹所云。洞庭北貫江橫分。
極望長沙空白雲。華亭宗伯畫苑傑。家在江南臥黃葉。
夢遊賈杜傷心地。萬古湖南自清絕。扁舟上溯縱所之。

千巖萬壑皆生姿。遙睇衡山泊湘渚。應是先生閣筆時。
畫自京口訖於洞庭。混茫無際其上方。畫衡嶽數峰。蓋
以衡山勝境望遠寄思。而洞庭收局取浩渺無窮之勢。
案杜子美入洞庭詩。以過南嶽入洞庭湖爲題。其詩云。
鄂渚分雲樹。衡山引舳艫。先生畫意本此。或以地望爲
疑。不學之過耳。三百年來如逝水。斷縑玉碎埋燕市。亂雲脫壤
隨卷舒。殘樹迷離半生死。吾師筆法華亭傳。一點染
還天。全少陵脫字真。可補道子破佛嗟無緣。公今付我
傳孫子。他日南歸水雲裏。呼兒展畫對瀟湘。再拜謝公
不敢忘。

贈更端別卽送其之任長甯

世人頗笑葉子顛。不識道根無俗緣。勝遊萬徧仍夢想。

藝苑百物皆流連三峯喜奪靈壁秀 八朝誇得官窠

全囊空典衣了不惜客至賁酒方陶然燕都百貨鬪奇
麗豈得輦運窮山淵歸裝坐恐驚海若光氣上燭虹騰
天我聞惠州舊有東坡宅與子等是峨眉客忍饑不賣
荷葉杯入夢猶驚九華石當年汎愛真好事怪子無心
俱踐迹尙輸詞翰吐光芒努力丹青造高格髯翁遭讒
廢不用祇合瀟灑送晨夕子也 清時百里侯無數
殘黎思衽席紛紛物誘賊至道萬貫一瓢同不適臨歧
屬酒進此辭願子毋爲古所役

詠史

以下
王午

京兆尹堪試楊令大將軍亦薦張侯漢家制度元疏闊
高爵須由帝命酬

姬旦如驕亦等閒宣尼至論未應刪當年文馬推安石
空費蘇洵苦辨姦

叔文片語動唐宗黜陟真歸掌握中謀國稍宜崇大體
鼎亨主父不英雄

高顧清修本絕倫廣招聲氣竟何因祇因范史成專傳
坐遣千秋慕黨人

恭讀

太祖以來實錄成詩二十六首

誓師舊憾肇成梁天眷

皇清大拓疆信義綏邊殷

鑒在

聖謨從啟萬年長

歸徠蒙漢等嬰雛撫叛頻煩宥爾愚有忍有容

天子德氣吞關內已如無

景命維新自舊都中原張李助前驅榆關空設金湯險

莫誤平西是勃蘇

秉旄負展一元公初政全資總攝功直待百年華袞定

煌煌令甲始稱忠

水火遺眚慶薄征盡將糝政埽朱明庶僚朋黨重申儆

睿慮眞爲萬代程

梁董橫分資眾策王桓專恣極生前冲齡嬉戲摧姦將

神武千秋冠史編

剷除兔窟闢雞籠一著戎殷漠北空雅克薩城擒縱意
除教葛亮識心攻

夜誦琅琅欲四更從知

天子亦書生中冷南畔

金山下尙有人傳

聖學名

人倫隱痛

覺迷編管蔡流言積歲年縱使

堯心寬吠犬滿闌何敢竟誣天

保民端在肅官箴

睿鑒精嚴用意深須識周家

張弛用依然堯典執中心

牟賊芟除

國漸饒防秋無警罷長徭雍乾舊事分明

在。培。克。多。方。閏。位。朝。

策。妄。真。成。冒。頓。張。金。川。漸。作。吐。蕃。強。邊。毗。鼓。腹。長。孫。子。

始。信。

神。功。軼。漢。唐。

枕。席。過。師。收。絕。域。金。錢。畱。羨。給。芸。生。茂。陵。有。意。誇。神。武。
緡。算。應。慚。對。顧。成。

緬。甸。輿。尸。須。勝。反。安。南。垂。翅。待。朝。來。

天。威。善。蓄。

收。耆。定。

廟。算。虛。令。萬。古。猜。

皇。度。維。新。翦。巨。姦。金。錢。任。在。地。天。閒。大。哉。

謨。訓。

超。三。古。珠。庫。瓊。林。一。老。慳。

當。道。豺。狼。孰。敢。彈。尹。曹。榮。譽。壓。衣。冠。

聖。皇。有。意。

陳。鞞。鼓。莫。作。朱。雲。折。檻。看。

枝。昵。濡。毫。頗。洽。聞。

禮親王昭榘著嘯亭雜錄

史。遷。怨。謗。亦。平。分。流。言。

祇。恐。丹。青。誤。考。異。無。人。效。字。文。

飲。食。生。人。大。欲。存。狂。瀾。直。可。撼。崑。崙。異。花。絕。域。關。天。事。

會。與。巴。菰。一。例。論。

漢。關。纔。閉。臣。佗。怒。太。息。侯。官。偶。不。思。今。日。書。生。太。無。識。

猶。將。罷。市。策。平。夷。

聖。慈。念。釋。在。蒼。生。拔。劍。難。屠。海。外。鯨。苦。向。敗。棋。求。勝。算。

早。於。全。局。定。虧。成。

峒。蠻。肇。亂。兩。庸。臣。隅。缺。圍。師。恨。武。人。

宸。翰。褒。誅。

從眾著元侯遺集試兼陳

運極才難不敢康幹維民志作金湯詩書澤育無雙將
戚里光分異姓王

法嚴貴近意無回

家法相承治道該三擘公然

思竊弄知人古帝亦難哉

天生忠義付同光手挈河山獻

廟堂若使論功齊

漢表不知幾輩化侯王

古來講信有鴻模仁義方圓用不殊但使金繒通互市
漢皇何害問單于

神京萬載鞏幽燕戎備增修橫海船四遠盡知天

愛我

九重惟祝

國多賢

同人禊飲崇效寺純客有詩題朴上人青松紅杏

卷中次韻奉和

清游剛約采蘭前眾綠驚回首夏天闌入寺門同一笑
滿階紅紫不論錢

王李真慚並代傳百年名輩抗風流苦心能事教誰識
盡把詩斑替黑頭

流年苦說覓還丹兩鬢俄驚雪欲攢羞到海棠花下飲
且偷槐樹夢中安

鵲竹自繞何山師故畱名蹟後人知吾曹語笑閒送日

可有千秋萬歲時

午行倦極道旁有古寺小憩片時醒而作詩

幽尋隨處是桃源一息能令萬慮寬
省識投閒無熱惱何人天壤不清安

出郊

東皇知我出城闌眼底風光著意新
樹得高原爭獻綠泥含宿雨恰無塵
官曹拘窘眞成痼王事馳驅且及辰
鳥語蛙鳴互迎送化機流轉亦天真

定東陵陪祀恭紀

雨泣仍函夏星回及暮春慶雲承掖遠甘露降

陵。新。代。祀。磐。宗。重。趨。班。禮。院。親。舊。儀。七。稽。首。
馭。一。傷。神。殿。啟。悲。風。肅。燎。升。麗。日。臻。
天文母德萬古念臣民。在。靈。

虛受堂詩存卷十一

長沙 王先謙 益吾

病中

以下
甲申

頭風除是文能愈肺渴從教酒亦嫌已見生涯百憂集
更堪衰病一身兼
殺氣紛綸海動塵文章何足致微身金戈鐵馬非吾事
便合江湖作散人

雜述

汧公愛清流旬日騎不控甯聞東坡說有聲戒無用城
東不甘里浩若開港洞分瀦作陂塘廣溉利耕種晴文

虛受堂詩存

卷十一

一

搖淨綠虛鑒。納羣動。我行屢經過。畱連意增重。雖無千里潤。乍可一葦縱。時約陶淵明。坐聽懷抱空。秋霖潢潦溢。洵洵頗驚眾。謂當羞王公。那足資抱甕。不如取此水。子車言可誦。

東城外栗塘楊家山等處田水。瀾漫皆由洞泉鋪山泉來注。

秋霖亦何爲。百彙方暄妍。人事有遷改。羣陰久纏綿。風噫氣不蘇。電笑雷施鞭。翻空倒河海。萬馬奔平川。朝市生慘悽。誰能獨安全。坐恐地維缺。蛟蜃爭持權。我時臥嶽頂。起視但茫然。鼉景麗上方。巖腰鬱雲煙。俯仰成獨笑。此意不關天。空聞下界人。驚見龍蜿蜒。

偶然作

世人擾擾不肯休。豈知身世皆浮漚。紛如蒼蠅附天驥。
誰學獼猴騎土牛。客來入坐強聒耳。但道底事仍稽留。
我行無貲坐無食。行止任天那自由。昔人得位須兼善。
我本無才焉用展。閉門舉步觸荆榛。何況山川箭滿眼。
仙源秦人難復遇。濁酒漢書聊自遣。早向莊周問樂全。
此生得志非軒冕。

柳貞女

長沙柳
大培女

詩人李謨吾老友。厥有賢儷身姓柳。有姪字爲周氏婦。
崑山德產皆瓊玖。錦輪未御乾蔭傾。矢碎孤玉完幽貞。
吞鍼入咽鍼自橫。森如肝肺相支撐。觀音授我金字訣。

夜禱千回晝齋祓剗驚一昔鍼躍出佛力鍼巧兩奇絕
從此長依繡佛前蘭閨韜精送流年八春一節心炯然
豔陽皎潔眞成妍 今皇九載仲夏日貞女歸周永
貞吉柳君徵詩爲紀實大書光我董狐筆

題胡餘菴撫松小照

早甘窮巷謝華軒端雅脩然道意存樂善不妨腰腹瘦
讀書能使姓名尊門前水木供瀟灑壁上河山費討論

君圖地形張之
客至喜與講論

我識幽居眞有味何年結屋傍松園

刻丁竺雲李禹臣詩成兩君無子皆其弟所錄存

也題後

兒酒命杯眞灑落吟詩嘔血益酸辛遼東化鶴無歸日
丁沒於江上騎鯨有替人
京師
王適盡能哀舊橐揚

到京寓蘭冕胡同

便作吾廬愛從教眾口傳牛行尋定國馬糞著僧虔小

割尙書第

齊公承彥故宅

眞畱宅主緣

十六年前來此卜居未果

東軒憑認

取兩樹海棠鮮

寄李

楨佐周

善化附貢生

抱道文逾重辭榮行自貞共知高鄭谷誰爲薦陽城總
角感流景論心申舊盟傷離黯南望處士一星明

自菴先生靈輓南歸送至通州賦挽詞一章次李

純客韻

人生不百歲。飄風轉蓬科。所重身後名。屹與蒼穹摩。先
生夙耆古。羣籍勤爬羅。擅譽自妙齡。門子粲琢磨。拔萃
鳳翽羽。乘時龍騰窠。經綸歟在手。志欲回羲娥。逸氣動
九陞。長鳴刷驄驪。不肯殺無辜。奏當拒深苛。宗藩
避霜簡。赫赫將謂何。感激風塵際。累疏揮天戈。間

關走墨經。榮遇無刹那。一從滯周南。眾謗誰相和。譬彼
俗書逞。無人尊籀蚪。還朝迫晚歲。古物森斗獻。扶衰
一取急。徑挂高冠峩。平生結習在。五夜然銅荷。丹黃不

斷手忍飢振驚病。立注光史道。高吟伏詩魔。終成不朽業。砥柱矗滄波。信知在我貴。俗子空浮譌。遺文留宇宙。鬼物煩護訶。淒涼蒿里餞。影前炷香螺。臨歧盡攀戀。飛旄出潞河。永念杏壇丈。含悲述長歌。

得程定甫秋夜讀書圖前賢題詠甚多純客有詩

次韻

弱冠走江海。已分拋楹書。一朝捧枵腹。祓濯登皇除。譬彼農仰屋。不耕焉有餘。平生無所愛。夢想記事珠。取照茅塞心。豁爲四通衢。窮年戒荒宴。繼晷忘艱劬。坐擁名山藏。門謝流水車。非關薄世味。樂與賢聖俱。牆角

短。鐙。檠。誰。云。匪。時。需。儀。徵。程。夫。子。寄。意。在。芸。儲。乞。畫。荆。
關。手。徵。文。嚴。馬。徒。亮。彼。秋。懷。高。宵。希。時。俗。譽。張。之。小。閣。
裏。晤。對。生。軒。渠。李。侯。隱。郎。署。精。驚。訓。典。區。相。憐。如。弟。兄。
等。是。東。門。吳。惠。題。琳。琅。句。寶。氣。騰。金。壺。勸。我。不。祧。業。發。
揮。史。道。誣。多。君。屏。俗。外。假。日。無。遊。娛。勵。志。共。攀。張。知。足。
行。慕。疏。迢。迢。人。間。世。圓。缺。千。蟾。蜍。各。畱。清。白。質。曜。此。主。
客。圖。勿。受。古。人。欺。皦。皦。終。不。汙。

寄黃

瑜

子壽

以下
乙酉

爽。氣。清。談。絕。世。無。詩。囊。酒。榼。一。身。俱。久。從。叔。度。挹。千。頃。
誰。數。徐。卿。生。二。雛。君。有。子。一。人。短。髮。相。看。半。霜。雪。長。才。何。意。

老江湖新篇不盡河梁意舊約同登妙覺圖

奉懷郭

嵩齋

筠仙前輩

扞○圉○驚○傳○走○鼓○烽○和○戎○眞○待○賜○歌○鐘○沸○羹○祇○速○中○原○禍○
蒼○蔡○元○存○此○老○胸○肯○爲○治○安○求○賈○誼○莫○教○痛○哭○老○林○宗○
春○來○杖○履○應○無○恙○愁○對○金○臺○柳○色○濃○

送王

邦璽

爾玉同年左官出都主講懷安書院

王官

翰林院

侍讀

昨○歲○驂○鸞○翔○排○雲○叫○閭闔○今○朝○跨○驢○去○吟○雪○擁○檀○榻○嗟○
哉○冠○蓋○蔓○此○味○眞○嚼○蠟○不○歷○升○沈○途○誰○知○禍○福○雜○君○心○
抱○寒○玉○安○肯○隄○茸○闌○共○事○客○非○狂○勿○疑○朋○遂○盍○欣○逢○

明詔下推轂競呵飲憤激西戎塵瀛壖恣蹴踏賢同

魏其進寵過家令答聖意虛佇多時賢一摧拉翻

然墮文網解綬如棄鞵坐看受狼狽幾輩羞獻納憶昔

忝同官辟雍春水市余官祭酒時君官司業論文密李杜解經折

孔蓋自從別鵷行仰盼趨鳳閣時艱况孔棘歎惜

空歎喏同時溫太真相對鵬翼捐溫學士紹業及君去冬以薦舉非人先後

降調皆乙丑同年進士高才豈易得毫素紛駁逕朋知漸晨星名

姓聯舊塔一跌終當振柰子鬢毛颯風驕春寒重雨滯

山意沓臨歧集賓朋強勸倒尊榼願言慎眠食遣此中

懷嗒秋期儻可來相望碧雲合

題瞿

鴻禧

子玖學士大父魯青先生自濟圖

人生無畔岸。若水迷津涯。楊舟載沈浮。天風東西之。我心卽爲拖。隨地審所施。利濟各有方。要以道自持。先生食貧日。獨樂不求知。餘事託游藝。高名動當時。艱難長子孫。歷盡險與夷。作圖名自濟。感喟兼娛嬉。一身成三人。嬾變少壯衰。枯查汎大海。堅以獨力支。神勇固不測。誕登終有期。豈無濟物心。伏處空嗟咨。吾思富貴者。自待則有宜。高位不苟踐。寸抱非可私。洪流舞澎湃。萬命多傾危。任重若溝內。拯溺須航慈。徒云自濟了。鄙夫安足爲。翁言雖未及。斯理在善推。文孫吾石友。皇路

同驅馳新持漸江節後構恢前基雲雷富經綸松柏含
貞姿幸宏繩武願以光述德詩

題魯青先生所作德配湯太夫人分鐙課子圖

先生少壯時有三丈夫子天池皆龍鱗丹穴必鳳皆龐
公任本性鄭虔實高士陶情惟壺觴恣意但圖史賢儷
絳幔儔庭階育蘭芷恩勤不遑食至願在穀似寒窗鐙
光炯四壁誦聲起授經互傳呼願杼時徙倚殘膏影明
暗終夜色悲喜霜月苦入心啟戶天如水先生歡有餘
敬念內助美理卜萬後大學成孟母徒酬庸仗丹青寫
照深閨裏凌煙較顏色焜燿同萬祀終追河東薛成名

看鼎峙再傳大其門天馬走千里徵文寫孝思展冊企
風軌勉維籙金訓勿忘樅輪始

壽陸母徐夫人

湖南辰沅永靖兵備道
增祥妻編修繼輝母

南極輝寶婺東海演靈派璧種替楊雍冰清賞衛玠艱
難結矜日家道歟緯繡綱米典晨炊鬻匳償宿債柔聲
威姑室起敬勛罔懈推食寡嫂廚輟飢忍不嘅夫君揚
馬匹鵲起南省解用歸田錄
王沂公事在貴色不驕淵抱無芥蒂
辛勤代子職侍養師女誠方劑手自斟剖肉療沈瘵毀
身實全孝往哲至論快崔嵬巾幗中千載欽且喟終蒙
皇天佑從宦湘江介散贍徧六姻施振起羣僮樂生孔

名。子。知。足。老。陳。戒。遂。成。靖。節。高。邈。與。伯。鸞。邁。兒。孫。蔚。才。
彥。科。名。種。嘉。話。示。儉。家。有。箴。餬。口。用。鍼。解。放。生。續。碑。文。
禮。佛。持。梵。唄。用。心。到。晚。歲。無。量。造。福。界。往。在。長。沙。國。德。
音。溢。官。廨。昨。陪。令。子。遊。殫。述。豁。我。隘。西。眞。仙。靈。方。更。生。
列。女。畫。敬。爲。增。川。祝。用。代。登。堂。拜。

袁。昶。秋。以。曹。郎。供。職。譯。署。意。不。自。得。隨。錫。尙。書。
鄧。鴻。臚。至。天。津。議。中。法。和。約。歸。垂。示。詩。卷。次。其。與。

趙。桐。孫。倡。和。韻。

袁。桐。臚。人。

下。邳。橋。頭。逢。褐。父。淮。陰。迺。受。少。年。侮。吞。聲。詘。節。化。侯。王。
從。古。高。才。出。泥。土。爲。郎。執。戟。非。不。達。况。復。折。衝。預。樽。俎。

但令毫髮裨國家。世態低昂焉足數。知君文章富匡贊。
欲變蠻夷用鄒魯。邇來天意轉蒼茫。坐見藩籬隳北戶。
戎心狡啟窟。營兔將略空。夸穴鬪鼠清談宴。坐彼何人
鉤。撫微細。徒毛舉。紛紛梁肉盡。一概鬱鬱胸膈何由吐。
名章俊語發。洞微有似札。穿弩萬象皆賓。綠性定。
君詩云。始知守道者。不以俗喪。眞何處。非定性。萬象皆爲賓。一餅垂老知吟苦。君兄夢君
爲天目西菴老僧。因謂君曰。汝二十年來一餅一鉢。昨亦垂垂老矣。復何求於世哉。君遂名其集曰一鉢集。昨
陪使節析津遊。事祕莫知高。論沮歸裝賴有詩。卷壓不
負此行差。自許朝衣漫學宏。景挂清絃聊爲鍾。期撫較
量。千古定誰賢。仰視青天豁眉宇。

硯秋答詩復次韻

枳棘叢中走樵父。海棠獨笑誰敢侮。春風籬落見標格。不與凡材爭息土。李侯尊客長安作中隱。廿載高名溢觴

俎。閉居氣壓萬家侯。僕邀諸曹誰復數。先生卑官意不樂。頃亦遲遲思去魯。文壇二妙世所稀。不放銜書入天

戶。固知得失互盈絀。幾見鸛雛甘腐鼠。自菴老人負經濟。壯志肯隨黃鵠舉。天公故遣疾相纏。妙理高文坐傾

吐。老人治漢書成札記數十卷來詩及之

小儒侍側竊餘論。力薄何能張

勁弩。未忘端木山。梁哀頗學堯。文霜月苦齒。牙獎成愧踰。分欲發狂言。先色沮。有田便歸吾。計定年少拏雲漫。

相許盛衰貴賤各時命近事激觀掌應撫絲能日飲吏
亡何問道頻來就衡宇

送譚

宗浚

叔裕之任雲南

譚南海人由編修授雲南糧道

嚴助自請郡閒闊無善聲長孺薄淮陽所居爲政清方
知戀禁闥終勝厭承明汎覽循吏傳疇無高世情譚侯
玩墳典妙齡絕旁營脩名匪外炫畜道實內貞巍科拾
地芥鴻藻鋪 天廷持節歷西南 寵渥色不驚

永懷奉

帷帟燕侍影

朝纓用心文章境高視蘭

臺英一朝被

帝命都轉滇池行分司陟崇階豈子

夙願縈吾思仁智德時措非自成達人寄天雲濟物必

兼精炎方苦僻遠廿載未休兵眷倚司牧良苞育品庶
生傳經獲張叔立教追馬卿庶以詩書澤文茲敦樸氓
朝班失通儒邊域得國楨時論雜忻惜況余肝膽
傾仕優炳前訓持以贈王程勤寄天垠書慰此別思盈

題丁

申

竹舟

丙

松生昆仲庫書抱殘文瀾歸書二

圖

丁仁和人

魯壁存孔鮒楚典負蒙穀古文河間收漆書杜林握天
寶韋侍郎實錄藏山谷建隆朱學究遺書奏當軸貯樓
葉居雪刊史井在蜀皆於喪亂時力使斯文續錯落名
古今儀刑存簡牘雙丁耀吾代用心追往躅咸豐歲辛

西粵寇再肆毒驚颺沸聖湖夜烽燭天目崔巍文瀾閣
浩劫付青嶺 賜書部逾萬頃刻委塵黷君時避西

溪攬取如私蓄冥搜瓦礫埋廣購市廛鬻懷高識更到
誠至氣甯縮天倫德不孤古抱生是獨區宇就清晏樓
閣更營築重移祕籍還頓覺壯觀復浙人述君行一一
邁流俗孝友顏閔期治生計范足揮毫洞天奧經緯粲
滿腹剗剗存先賢文獻攸繫屬茲事尤奇偉輝映日月
浴功爭入咸陽名抵校天祿薦剡動 玉陛掉頭謝

羈束閉門友琴書埽徑伴松菊生入高士傳人推老尊
宿作歌聲前美海內千兔禿揚鎮雙閣燬片楮誰見錄

坐令盛典虛讓此靈光。矗披圖苦懷緬。雲閣湖山曲。何時理煙艇。從子然藜讀。

沈曾植

子培硤秋純客重陽日餞飲於崇效寺施

國華

均甫暨純客贈詩奉酬兼呈子培硤秋

沈嘉興人

刑部主事施烏程人山東知府

行役王程邈盛饌賓筵肅佳辰愜賞心古寺豁遊目前
蹤閱三載墜夢恍可續楸階芳已歇藤壁陰猶緝斜日
戀高枝秋風動寒綠尋幽貪野曠馳景懼歡促伊余棲
京輦鍵戶謝鶯俗賴有同道朋眷顧風義篤崇朝嗟雨
散瞻塗增躑躅陳迹撫青松

寺僧藏紅杏青松卷名題殆徧純客曾邀飲於此題

四詩孤芳嗅黃菊良儔故意永珍重勸醺醪佳人期不來

遐心在空谷

均甫因事未至

軒輶冠世榮儒重粲

朝列撫衷實短弱厯職滋驚拙

雲間目吳會邦寶富瓌傑張羅懼禮疏剖璞慚識劣李

宗夏

同善

翕時論祁

文端謝壩

歸前哲啟塗鬯儒風循迹企

高轍平生資直諒獨往誰剗切孤絃理新聲薄植希勁節豐來有繁翰嗇往遲寸札眷言同心者箴規庶無缺

送梁

鼎芬

星海歸里

梁番禺人官編修以言事降調

新進敢言吾未見氣排山嶽含風霜老坡文字眞爲累
小范謫遷殊有光臺閣歎嗟詞翰美江湖沈醉夢魂涼

虛受堂詩存

卷十一

七

舌柔鼻塞甯相勸大廈他年要棟梁

俞樾陰甫前輩以孫得鄉舉賦詩志喜奉和

吳越溪山喜色添

君浙人寓蘇

快吟新詠展霜縑申公老尙

傳經學甄字孫先舉孝廉親見清芬承祖規回思佳課

錄兒笞

君著書有兒笞錄疏舉字義以示兒輩學書者

神駒步景知誰匹千里

程開曉日遲

江陰城西北君山下有春申君墓山所從得名也

以下

兩戌

守舍咸陽功轍藺歸來斗大黃金印江東高臥霸業灰
翠幙喁喁落霜刃朱英自是小兒舌誰見天公赦文信

淒涼血葬棘門頭。至今山水爲君羞。上海稱申江亦以君名

君山種松 並引

光緒五年二月 毓慶宮行走吏部侍郎夏

公同善督學江蘇六年七月卒於任所年五十

四侍郎待士寬嚴有法至今人猶誦之子庚復

文學甚高余庚辰會試同考所得士也余與侍

郎僅於公所兩見庚復中式侍郎以書來謝卒

後逾四年庚復亦死侍郎莅任令諸防營植松

君山上今蔚然成林自署西園中時望見之爲

作是詩

君不見鄭公退臥隱巖裏強號蒼松作居士又不見藍
田縣丞苦宦卑日對二松哦小詩公官不卑身不退殷
勤種此知何爲平生風節貫華皓至今人道使君好營
課初同官柳栽堂開未共孤枏老茯苓不救五穀腸子
孫枝長亦頽唐何事養成千歲木我來揮涕萬松岡南
康誰見清陰轉麻城亭下空秋蘚路人若識使君心永
與甘棠同不剪

君山二絕

豪氣已隨珠履盡仙風如擁翠濤還此松會與人千古
試喚君山作夏山

江天澄碧照人明小立能令百慮清不用梅花尋舊額

山下有梅花書院廢址他年徑與換南菁

熊兆松鶴邨寄示樓甌百疊詩次韻熊善化人光祿寺署正

凍雪孤吟聳玉樓征鴻數字映冰甌遺音不盡絃三歎

百品全清酒九投聞道張蒼猶有齒用東坡贈張子野語君時年八十五

便逢東野肯低頭春來杖履知强健更請先生擁鼻謳

重葺署西寄園發土得數十石前賢所為詩記在

焉第其時代列諸壁間次明學使駱駿曾沆瀣存

雪亭韻

剔開點點蘚苔斑坐對巖巖冰玉顏文字未磨千古劫

園林誰放廿年間同治四年重建即今墨妙亭重築一
笑連城壁竟還勿使黃塵仍浣石從看紫氣鎮浮關

題李嘉樂

憲之前輩齊魯遊草

李由御史官江蘇按察使

早聞惠譽振民師一把瑤編更展眉官職俱歸巨源手
國楨今見道州詩清威總帶霜臺肅峻望能今日觀卑
袖本近來增幾許吳中團扇要新詞

贈陳嵩仝

江蘇候補同知

人海相望已十年夜談猶似虎橋前清詩只供逍遙像
小篆新繙急就篇君好道作南華經詩寓意又為潘尚書師書刻說文聽鼓應
真老矣焚香埽地故陶然不須錯料青雲客鬢底霜華

一倍鮮

升沈默數舊鵷行冠蓋飛騰亦自忙各有文章壓崔蔡
卻緣鱗甲化蘇張右軍任被時賢笑惠子能知我意長
至竟爾時誰可惜觚稜斷夢細評量

贈嚴

錫康

伯雅

嚴時以江蘇候補知府代辦蘇州府提調

釋之久宦苦不遂聖俞作詩窮更工舊事淒涼萬里外
新篇跌宕五湖東飽聞虔劭知名日坐想林胡愛士風
君弟繼生前輩有高名君四十年前老詞客戲催考較
夙爲林胡兩文忠所知

學髯翁

虎邱

金○精○騰○上○土○脈○絕○早○識○蘇○臺○麋○鹿○遊○猶○有○秦○皇○盤○珍○異○
驪○山○依○樣○築○崇○邱○

生公講堂

太○山○自○立○魏○榆○言○豈○有○高○人○動○俗○喧○閉○戶○儘○饒○經○可○誦○
開○堂○從○識○道○非○尊○

寄題三高祠三首

收○拾○蘇○臺○付○甬○東○蒲○帆○長○挂○五○湖○風○苧○蘿○好○合○鴟○夷○走○

憑○仗○詩○人○附○會○工○

范蠡

出○不○辭○家○去○不○言○能○遊○物○外○便○超○然○南○山○採○蕨○三○江○飲○
只○約○同○心○顧○彥○先○

張翰

不救饑窮空有田除書無分到生前高人自署瑤池品
曉月清風對白蓮

陸龜蒙

題程其瑜集

元和令其珏弟子乙亥所得士也時欲赴會試不果病久人目爲顛而集

中多見道之言

隸鄂聯清譽槐花踏妙年得間元爲病有道不妨顛智

慧論三界風災拔四禪百年能幾見珍重把瑤編

贈吳

仁傑

望雲費

延釐

雲舫兩同年

吳官國子監祭酒費官翰

林院侍講皆吳江人告歸家居

苟美衛荆室流年汲黯園兩君多道骨一舉脫塵喧季

子世不乏壺公今尙存何時鱸其飯笑我鶴乘軒

舟中夜起

殘更催岸側。薄醉倚風前。人散月沈水。天低星滿船。學吟時帶楚。戀秣尙懷燕。更望西夷卷。長依北斗懸。

題歙人汪尙階游魚落花圖卷

君家龍潭潭。潭水東游魚。喜趁桃花紅。何事輕拋清景去。新安江上已秋風。吞舟橫海成何用。唼藻依蒲大有情。我亦鷺湖開雪浪。臥聽蓮葉戲魚聲。武陵花事訪仙源。湘上漁人把釣竿。惆悵鄉山渺千里。兩般風物畫中看。

寄黃

自元
覲虞
黃時官甯
夏府知府

儀孟園中脫舞衣

儀孟取杜子美孟氏好兄弟詩意也
君得官後因母老不能迎養假歸爲

壽

及關猶望白雲飛和州莅郡詩情遠新息安邊吏事

稀清夢玉堂時得到賢聲霜簡尙餘威繞城杭稻饒鄉

味莫憶湘山便乞歸

頗怪郵筒問訊遲年來佳趣我能知先生書就元和腳
侍女妝成天寶眉似說懸弧慶張盥定教掣筆歎羲之
吳中老學渾無用病榻孤吟鬢似絲

楊

鳳朝

丹山招飲狼山望海樓

楊寶甯人余庚午
鄉試所得士時知

州通

出城十里氣青蒼。閉閣兼旬興激昂。滄海浮空吹曙牖。
白雲招我上重岡。琴調玉澗無雙手。山陽喬子衡鼓琴酒入東
坡真一腸。已遣山靈笑冠蓋。更堪迎送樂聲長。

孫毓汶

萊山前輩書虛受堂榜賦謝

翩翩一紙鴻雁到。矯矯三字蛟龍纏。從此虛堂風雨夜。
有人望氣斗牛邊。

官舍經營計未迂。繞堂花竹自清娛。東坡爲寫東軒榜。
潤筆都無酒一壺。

潘鄭龠師書古雪浪湖額賦謝

江陰季科明隆慶元年自江西布政

使右參政告歸養母家有清機園萬歷四十二年季氏子孫鬻園入官今學署西偏有池卽清機園

之雪浪
湖也

季公歸養時築居闢壯觀日永醉金谷春深閒絳幔花
樹富園墅雲山羅几案中有雪浪湖清流翻浩漭懸知
飛雨戲名學髯蘇喚疊石繞方塘引水激層瀾近依太
湖側時截碧雲斷何必中山圃巧作白脈讚風花卅載
閒榮枯倏已換石無奇章品園有奉誠歎矧今三百年
遺蹤盡蕪漫誰復念此水曾經古人看峩峩鄭奩師好
古世所罕淋漓寄新題突兀表舊貫奇爭米家榜品入
懷瑾斷鸞鳳忽驚回魚鳥不敢玩我閒數能來輕幘時
一岸匪惟契雲水兼是愛毫翰官舍非我廬丹青日雕

煥旁人笑癡絕未解達者算三年如轉轂陳迹付霄漢
惟有澄碧明長照銀鉤爛

題王

國均

頌平橫谿草堂集

王以進士令院左官淮安府教授

早聞老蕭郎

敬孚

譽君不容口嚴宵光燭戶和璧炯在手

環音中鍾呂閉使吟甕牖束體追元和未落梅邨後高
才非百里况乃解其綬天意昌君文投閒付詩酒至今
荆施間君主講此地羣彥仰北斗喜邀無知薦終作莘老負
首盤映初日此味頗不垢且復商聲謳目送長淮瀏

淮安寄王壬秋

君如浣花叟幾年錦江畔復到東嶽陽窮秋立日觀但

踐勝遊跡不作羈旅歎寄我兩篇詩照座光有爛語含
山骨奇興發林英粲今人那有此便作古詩看可怪流
俗子祇愛錦繡段若使懸國門千金應不換
頃我在海陵君已到揚州我來揚州日君作山東遊笑
我困風塵疲馬曳行輶羨君雲中鶴可望不可求山東
不暫住寄書更無由唯有思君心炯照清淮流